

Dragi prijatelji/ce,

Predstavljamo vam **decembarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u decembru.....	2
Planovi za januar 2021.....	7
Aktivnosti članova mreže.....	8
Saopštenja/informacije/donatori/pozivi.....	22

Uživajte u čitanju!

AKTIVNOSTI ORC/HCA U DECEMBRU 2020.

Premijera filma „Efendijin zavjet“ – CAT BiH

CAT Bosna i Hercegovina snimila je dokumentarni film o tuzlanskom Muftiji Muhamedu Šefketu ef. Kurtu pod nazivom „Efendijin zavjet“.



U dokumentarnom filmu se govori o historijskom događaju koji je potvrda da biti čovjek nema vjeru i naciju.

Ime tuzlanskog muftije Kurta upisano je zlatnim slovima u istoriju Bošnjaka naše zemlje i danas predstavlja sinonim za požrtvovanost i temelj suživota kakvom se teži, zbog toga što je on svojim nesebičnim zalaganjem u januaru 1942. godine spasio hiljade tuzlanskih Srba od pokolja.

Mladi okupljeni u Omladinskom resursnom centru Tuzla su u saradnji sa kreativcima, režiserom, producentom i ostalim akterima, u protekla četiri mjeseca radili na filmu za kojeg je, kako kažu, bilo iznenađujuće teško pronaći arhivsku građu, ali su se potrudili da na poseban način predstave veličinu jednog čovjeka, života u Tuzli i trenutne i buduće težnje za pravim vrijednostima i načinom života.

USKORO na TV kanalima širom Bosne i Hercegovine i na našem YouTube kanalu!

CAT – Bosna i Hercegovina

Tokom mjeseca decembra, nastavili smo sa našim redovnim aktivnostima u sklopu projekta „CAT – Bosna i Hercegovina“.

Naše mačke su nastavile da oduševljavaju javnost na društvenim mrežama.

Ukoliko još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).



CAT Patrola: Banja Luka, Prijedor, Mostar, Posušje i Crvarevac

BANJA LUKA:

*Posljednjih dana sam boravila u Banja Luci i pripremila vam nekoliko priča o fantastičnim mladima! Večeras upoznajte moje domačine Adnana i teta Ljilju iz IN Fondacije. Oni žive i rade za mlade u Banjalučkoj regiji.

[VIDEO](#)

* Život nije problem, život je aktivnost! Zdravo Da Ste OC je grupa profesionalaca, volontera i posvećenih pojedinaca iz Banja Luke sa super kul aktivnostima za mlade! [VIDEO](#)

PRIJEDOR:

*Nova Cat Patrola ugostila je ekipu sa Free Radio 98,3 MHz - Prijedor! Vođeni željom, ambicijom i potrebom, upustili su se u avanturu zvanu RADIO. Stalni motivi programa Free radija su informisanje, uzbuđenje i zabava. [VIDEO](#)

* Rušimo predrasude o vitezovima! RUSAG je grupa entuzijasta i zaljubljenika u srednjovjekovnu evropsku kulturu. Udruženje vitezova nastalo je sa ciljem očuvanja starih zanata i vještina. [VIDEO](#)



MOSTAR:

* Šta smo sve radili u Mostaru možete pogledati u novoj [#CatPatroli!](#) Danas su Lokalni izbori u Mostaru, nakon 12 godina, iskoristite svoje pravo da birate! [#CatPatrola](#) je razgovarala sa mladima iz čitave BiH upravo na tu temu u Omladinskom kulturnom centru Abrašević! [VIDEO](#)

POSUŠJE:

*64 mlade osobe koje rasturaju rock u atomskom skloništu novi su gosti [#CatPatrole!](#) Apollo je prva udruga u općini Posušje koja je u svoj statut posebno naznačila pojam kulture! [VIDEO](#)

CRVAREVAC:

* Autorice knjige recepata "Krajiška sofrta" moje su nove gošće! Medena torta ono je što smo zajedno spremale za vas! 'Rasteretiti dan žene na selu, te odmaknuti se od svakodnevnice ispunjene obavezama žene i domaćice vodilje su koje su bile presudne za osnivanje Udruženja.' [VIDEO](#)

Ovo nije još jedan #FakeTaxi, ovo je #CatPatrola!

PodCat sa Malikom

*Gost nove epizode [#PodCAT](#)-a bio je Slobodan Blagovčanin, što znači da Malik za snimanje ove epizode nije napustio kancelariju. Malik i Slobodan u ovoj epizodi prolaze kroz sve veće afere koje su zadesile Bosnu i Hercegovinu u godini koja je zamalo iza nas. [VIDEO](#)



* Gost novog PodCat-a sa Malikom bio je Mustafa Musa Sejdinović, ako ste u protekloj sedmici bili barem na pet minuta online morali ste čuti za Musu i ono što je uradio u grupi "Ravna Zemlja". Musa je u [#PodCat](#)-u razgovarao o tom iskustvu ali i mnogim drugim teorijama zavjere. Kako je Musa osvojio Internet i postao viralna seznacija na cijelom Balkanu pogledajte u prilogu. [VIDEO](#)

Akademija političke odgovornosti

U periodu od 11-13 decembra u Visokom je održan prvi modul Akademije političke odgovornosti koji je organizovan od strane Fondacije Boris Divković. Na prvom modulu učešće su uzeli predstavnici raznih

nevladinih organizacija, a među njima i Duško Majkić predstavnik Omladinskog resursnog centra Tuzla i predstavnici političkih stranaka.



Predavanja na prvom modulu su držali eminentni stručnjaci poput: Faris Šehović, politolog, Doc. Dr. Sarina Bakić Fakultet političkih nauka UNSA, Alen Kristić, Fondacija Boris Divković, stručni saradnik, Marija Arnautović, novinarka, Faruk Hadžić, Ekonomski analitičar. Teme prvog modula bile su: Populizam kao savremeni politički izazov, populizam u medijskoj sferi, populizam u ekonomskoj sferi, politika, civilno društvo, obrazovanje.

Ulična akcija – Radna prava žena u Tuzlanskom kantonu

Jučer je Forum građana Tuzle realizovao uličnu akciju u centru grada a koja je u okviru projekta “Radna prava žena u Tuzlanskom kantonu: Zajedno protiv diskriminacije na osnovu spola”.



Cilj aktivnosti je informisati prolaznike o problemu diskriminacije iz oblasti radnih prava kao i o mogućnostima besplatne pravne pomoći koju im Forum građana Tuzle nudi.

Projekat se provodi širom TK, a ulična akcija u Tuzli je prva od 5 akcija koje će biti održane na području kantona i to u Gračanici, Banovićima, Živinicama i Lukavcu. Podršku ovim aktivnostima i projektu je dala Ambasada Sjedinjenih Američkih Država u Bosni i Hercegovini, a direktnu podršku uličnoj akciji dali su i članovi ORC Tuzlai

BESPLATNI PAKETIĆI ZA MALIŠANE U BIHAĆU!

U susret novogodišnjim praznicima CATovci zajedno sa Kenan Kečanović dijelili su paketiće mališanima na ulicama Bihaća. Kako je izgledalo dijeljenje CAT paketića moći ćete pogledati u novoj Cat Patroli sa Kenanom Kečanovićem.



Dodjela certifikata najboljim učesnicima projekta „Profesionalna orijentacija kroz pasoš kompetencija

Krajem mjeseca, 30, decembra smo u našim prostorijama organizovali dodjelu certifikata učesnicima treninga savjetovanja, te isto tako organizovali press konferenciju za domaće medije. Inače, konferencija i dodjela certifikata se realizirala sklopu projekta „Profesionalna orijentacija kroz pasoš kompetencija“, a podržan je od Vlade Kraljevine Norveške u okviru projekta Stvaranje povoljnijeg okruženja za civilno društvo – EMBRACE.



Norwegian Embassy
Sarajevo



Cilj konferencije za medije je da se prezentuju rezultati projekat za mlade, Omladinskog resursnog centra, *“Profesionalna orijentacija kroz pasoš kompetencija”*, te informišu prisutni o mehanizmima i aktivnostima koje su se sprovodile na nivou grada Tuzle.

Na press konferenciji su TV ekipama RTV7, RTVTK i RTV Slon predstavljeni rezultati projekta.



Glavni cilj projekta je bio doprinijeti kvalitetnom pristupu informacijama, olakšati izbor budućeg zanimanja mladima, te pružiti podršku u sticanju životnih vještina, te vještina zapošljavanja. Nažalost, zbog situacije uzrokovane pandemijom virusa COVID, mnogi učesnici se nisu pojavili, pa će im certifikati biti uručeni naknadno

REDOVNE AKTIVNOSTI ORC I HCA TUZLA

Tokom decembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA JANUAR 2021.

- Nastavak aktivnosti u okviru projekta CAT. U okviru ovoga ćemo emitovati dokumentarni film „Efendijin zavjet“ na drugim TV stanicama u BiH
- Nastavak aktivnosti u okviru ALF Mreže BiH. U okviru ovoga ćemo u narednom periodu održati izbornu skupštinu ALF BiH, na kojoj će, između ostaloga biti izabrani i članovu Upravnog Odbora ALF BiH
- Završetak ostalih projekata (Tvoj glas je bitn i „Pasoš kompetencija – Embrace)
- Nastavak na fundraisingu.
- I, ako Bogda početak realizacije rekonstrukcije krova iznad naših kancelarija, koji smo dobili od grada Tuzla na korištenje, te otvaranje Centra,

AKTIVNOSTI ČLANICA OMLADINSKE MREŽE BiH



Fondacija tuzlanske zajednice

Pozorišna 13, 75000 Tuzla BiH

Telefon: +387 35 362 830

Faks: +387 35 362 831

fondtz@fondacijatz.org

Konferencija „Youth Inspiration Academy“ okupila mlade ljude iz TK

Kao i svake godine na Međunarodni dan volontera, 5. decembar, Fondacija tuzlanske zajednice organizovala je finalnu manifestaciju kampanje Budi junak/junakinja svoje zajednice, koja je imala za cilj da slavi volonterizam i promoviše vrijedne mlade ljude s područja Tuzlanskog kantona. Ove godine nazvana “Youth Inspiration Academy”, konferencija je upriličena danas u prostorijama Centra za Kulturu Tuzla. Mladi su imali priliku učestvovati u edukativnim radionicama usmjerenim na njihov lični razvoj, društveni i poduzetnički angažman.

Za edukativne radionice, koje su u skladu sa epidemiološkim preporukama održane na 6 lokacija (“Dom mladih”, Atelje “Ismet Mujezinović”, Međunarodna galerija portreta, Međunarodni interaktivni otvoreni centar - MIOC) sa maksimalnim brojem 15 učesnika po radionici, mladi su iskazali veliki interes i prepoznali ih kao mjesto na kojem su mogli unaprijediti svoja znanja o oblastima koje ih zanimaju.



Edukativne radionice vodili su kompetentni mladi predavači uspješni u svojim karijerama, a obuhvatile su 6 oblasti:

1. Poduzetništvo – pokretanje vlastitog biznisa ili nešto mnogo više?, predavačica Mirela Omerović
2. Moje poduzetničko iskustvo, predavači Edis Osmić i Una Stjepić
3. Kako preživjeti ako je anksioznost jača od motivacije?, predavačica Alma Tihčić
4. GirlThing & Arduino za početnike, predavačica Nerma Huskić
5. CV – tips & tricks, predavač Adnan Mujanović
6. Poslovne vještine za 21. vijek, predavačica Selma Selimović

Mirza Mujezinović, koordinator projekta Omladinske banke Fondacije tuzlanske zajednice smatra da su od mladih potekle neke od najboljih inicijativa u proteklih 7 godina, koliko se realizuje kampanja „Budi junak/junakinja svoje zajednice“: „Mladi su dokazali da su istinski resurs koji TK ima, njihovo vrijeme ne dolazi, ono je već došlo, samo im treba pružiti priliku da pokažu da su tu i da žele raditi za dobrobit svoje

zajednice. Kroz program Omladinske banke radimo upravo to, ohrabrujemo i osnažujemo mlade kako bi uspješno realizovali svoje inicijative i riješili probleme s kojima se susreću.“

Kampanja „Budi junak/junakinja svoje zajednice“ i ove godine imala je za cilj da uključi relevantne aktere iz sva tri sektora, da ih pozove na odgovornost i saradnju kako bi dali podršku u stvaranju afirmativnog ambijenta za mlade ljude, ambijenta u kojem mladi preuzimaju odgovornost, uče, rade, djeluju. Volonterima, i mladima generalno obradila se i direktorica Fondacije tuzlanske zajednice Jasna Jašarević sa porukom da i kada odrastemo trebamo biti dobri i stvarati promjene:

„Uprkos svim izazovima koje stoje na našem putu za ljepšu budućnost ja ipak želim da kažem da samo dvije jednostavne stvari, a to je da nastavite da budete dobri i stvarate promjene! Budite dobri u svemu što radite, ali budite i filantropi, dobri prema sebi, prema drugima, prema zajednici! Dok smo mali stalno nam govore da budemo dobri, a rijetko nam se usude to otvoreno reći kada odrastemo. Zato postojimo mi u Fondaciji da to stalno ističemo! Stvarajte promjene i nemojte nikako strahovati od promjena u sebi, od promjena u odnosima sa drugima ljudima i od promjena u svojoj zajednici! Ovo je jednostavan, ali zaista dobar recept za bolju motivaciju i inspiraciju da prebrodimo dan i svaki izazov sada i u budućnosti! “

Pored radionica, na događaju su uručena priznanja pojedincima, udruženjima i preduzećima koji su u proteklom periodu dali izuzetan doprinos razvoju mladih.

Fondacija tuzlanske zajednice priznanje "JUNAK SVOJE ZAJEDNICE" dodijelila je u sljedećim kategorijama:

- Udruženje mladih žena GirlThing - za najbolje implementirani projekat u 2020. godini;
- Belma Likić - za izuzetan volonterski angažman u radu Omladinske banke u 2020. godini;
- Lovic & Co. - za dugogodišnju podršku mladima u kampanji "Budi junak/svoje zajednice".
- Adnan Mujkić - za izuzetan doprinos razvoju i osnaživanju mladih;
- Institut za razvoj mladih KULT; za izuzetan doprinos razvoju mladih i omladinskog sektora;



Adnan Mujkić, kao pojedinac koji je dao izuzetan doprinos razvoju i osnaživanju mladih, kazao je kako je Udruženje „Pozorište mladih Tuzle“ čiji je predsjednik, predano ideji `umjetnosti davanja`. Smatra da temelj mladosti počiva na volonterizmu i sretan je da postoje i drugi koji se u ovom teškom vremenu bave tako lijepim stvarima. „Ono što nas povezuje i usmjerava na davanje ne košta ništa – jer sve je dostižno ako se svi udružimo“, kaže Mujkić.





Institut za razvoj mladih Kult djeluje na političkom i provedbenom nivou i za dugogodišnje zalaganje u ime tima Instituta priznanje „Junak/junakinja svoje zajednice“ danas je primio generalni direktor Jasmin Bešić. On je istakao važnost partnerskog odnosa svih aktera koji djeluju u ovom polju, kako bi rad na stvaranju boljeg ambijenta za život mladih u državi bio lakši, a posljedice našeg djelovanja dugoročnije.

Youth Inspiration Academy kruna je ovogodišnje kampanje kroz koju je u 2020. godini podržano 9 inicijativa mladih. Fondacija tuzlanske zajednice ove

godine izdvojila je 34.534,00 KM, zahvaljujući udruženim sredstvima stranih donatora, vlasti i društveno odgovornih preduzeća. U proteklih 7 godina kroz kampanju je podržano 100 inicijativa mladih u koje je ukupno uloženo preko 230 000 KM.



Objavljen konkurs Trag fondacije „Fondacija našeg kraja – zajednica se pita!“



Sarajevo, 1.12.2020. - Trag fondacija, uz podršku fondacije Charles Stewart Mott i Porticus fondacije, objavila je danas konkurs za program “Fondacija našeg kraja – zajednica se pita!” sa ciljem da podstakne osnivanje lokalnih fondacija u Bosni i Hercegovini.

Na konkurs mogu da se prijave neformalne grupe od minimalno troje ljudi iz iste zajednice, koji su spremni da uče, rade i razvijaju se, istovremeno prikupljajući 15.000 eura od pojedinaca i kompanija u svojoj okolini. Prikupljeni iznos će Trag fondacija potom duplirati, kako bi se obezbijedio osnivački ulog za osnivanje fondacije i prvi budžet za podršku inicijativama na lokalnom nivou.

Program “Fondacija našeg kraja - zajednica se pita” će zainteresovanim grupama građana pored novca, obezbjediti i mentorstvo, savjetodavnu podršku i poznanstva sa relevantnim stranama, a potom i dugoročni oslonac inicijativama njihovog kraja, bilo da su u pitanju kulturni, sportski ili obrazovni sadržaji, inicijative okrenute poboljšanju infrastrukture, životne sredine ili namjenjene revitalizaciji javnih prostora.

“Ideja ovog programa Trag fondacije jeste da podstakne izabrane neformalne grupe ljudi da u bliskoj budućnosti formiraju dugoročno održive i nezavisne lokalne fondacije, koje mogu otvoreno i fleksibilno da podržavaju lokalne inicijative i tako doprinose svom okruženju. Putem ovog programa želimo da ohrabrimo grupe da od samog početka ostvare komunikaciju sa zajednicom, kontinuirano oslušuju njene potrebe i da na taj način definišu svoje prioritete rada i podrške.” – izjavila je **Marija Mitrović, direktorica za filantropiju i partnerstva Trag fondacije.**

U trenutnom kontekstu, treba istaći da lokalne fondacije u mnogim zemljama igraju ključnu ulogu u adresiranju efekata pandemije. U Bosni i Hercegovini, Fondacija tuzlanske zajednice već mjesecima sprovodi kampanju “Solidarno protiv korona virusa”, kojom se prikupljaju sredstva za neophodnu opremu za medicinske radnike, sredstva za online školovanje socijalno ugroženih učenika i druge potrepštine za porodice koje su se našle na rubu egzistencije.

Sličan program je pokrenut u Srbiji u proljeće 2020., i rezultirao je odabirom četiri neformalne grupe iz Niša, Pančeva, Šapca i Stare Pazove koje su u procesu osnivanja lokalnih fondacija.

Za učešće u konkursu, potrebno je da grupa od najmanje tri ili više osoba popuni jednostavan formular na sajtu www.lokalnefondacije.ba do 29. januara 2021. godine do 17 časova. Nakon pažljivog pregleda svih prijava, Trag fondacija će izabrati i kontaktirati grupe koje će uzeti učešće u programu “Fondacija našeg kraja - Zajednica se pita”.

Trag fondacija okuplja ljude koji vjeruju da male promjene u društvu mogu da naprave veliku razliku i svakodnevno radi na stvaranju pravednijeg i otvorenijeg društva. Pored vjere u želju i sposobnost građana i građanki da budu inicijatori pozitivnih promjena, Trag fondacija im nudi i podršku u vidu znanja i sredstava, a podstiče ih i da se aktivno uključe u poboljšanje života zajednice u kojoj žive.

Više o Trag fondaciji možete pronaći na <https://tragfondacija.org/>
Konkurs za “Fondacija našeg kraja – zajednica se pita!” i dodatne informacije su dostupne na www.lokalnefondacije.ba.

Za više informacija molimo vas nazovite Sanela Tunović na +387 61 539 535 ili pošaljite email na sanela@rentapr.ba.





OMLADINSKA ORGANIZACIJA "SVITAC"
Ul. Jusufa Čampare bb, 76100 Brčko Distrikt BiH
Tel./Fax: +387 49 211 032
E-mail: svitac@gmail.net
Web: www.svitac.org
FB: www.facebook.com/omladinska.svitac

Dnevne radionice



Omladinska organizacija Svitac je nastavila sa svakodnevnom interaktivnim i online aktivnostima. Mlađi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volontera. Ovaj mjesec su radili: crtanje zebre pomoću ruku, mozaik od papira, ukrasne motive od

cvijeća. Gledali smo video projekcije priča, pjesama i bajki, te crtane filmove sa porukama o prijateljstvu (Pričao mi autobus, Dobar i pohlepan, Pink Panter u borbi protiv zla), te razne zagonetke. Nastavljamo sa azbukom i do sada smo naučili pisati slova Г, М, Х, О i riječi koje počinju tim slovima, te crtali pojmove koji počinju na određeno slovo. Na muzičkim radionicama smo učili i vježbali pjesmice: Djeca su ukras svijeta, Miš je dobio grip, Nije lako bubamarcu te razne muzičke ritmove. Na radionicama engleskog jezika smo radili pridjeve/suprotnosti, insekte i životinje, igre skrivača te razne vrste biljaka i cvijeća. Naši najmlađi učesnici su takođe vježbali i pisanje brojeva. Kao i prethodnih mjeseci Svitac je u okviru redovnih aktivnosti intenzivno radio na temi higijena i posvetio joj posebnu pažnju. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Uzrast 13+ je učestvovao u online radionicama na teme: koliko je važno glasati na izborima, prednosti i mane online nastave, šta nam nudi srednjoškolsko obrazovanje, kako emocije utiču na trezveno donošenje odluka, koje društvene mreže se koriste u ostvarivanju ciljeva (škola i slobodno vrijeme) te šta znači riječ populizam i uticaj reality programa na mlade.

Na engleskim i njemačkim radionicama smo posvetili pažnju gramatici i kompleksnijim rečenicama uz upotrebu prijedloga za kretanje, traženje objekata kroz četiri padeža, te smo i dalje vježbali glagole u prošlom vremenu i konstrukciju rečenica. Pored toga smo vježbali svakodnevnu komunikaciju i radili na projektima i prezentacijama za školu.

Koordinator radionica je bio Adin Midžić uz asistenciju lokalnih i EVS/ESC međunarodnih volontera.

Radionice gitara

Učesnici su nastavili rad na pjesmama, etidama i kompozicijama kao što su: "Hotel California"- (Eagles), ""Pjesma" J. Jovičić, etide No XIII i XIV" iz „Estudios Sencilos“ (Leo Brouwer), " Lullaby of Birdland", "Blue Bossa", "Valcer sa varijacijom" (F. Carulli).



Radionice Sambe

Rad sa grupom se odvijao online. Kreirani su sedmični muzički kvizovi za učesnike, kako bi se održao kontakt, pružio obrazovni sadržaj i zadržao interes učesnika za trenutne i predstojeće aktivnosti. Za kreiranje kvizova koristi se besplatna verzija aplikacije "Quiz for pages". Svaki kviz se sastoji od deset pitanja na koja se igračima daju četiri mogućnosti za jedan tačan odgovor ili izbor između opcija „tačno“ i „netačno“. Glavna tema je muzika, pa kviz obuhvata teoriju klasične i jazz muzike, znanje o instrumentima, njihovu istoriju i zanimljivosti, istoriju klasične, jazz, pop i rock muzike, poznate i manje poznate kompozitore, etno muziku i instrumente, razne ritmičke prakse (kao konokol) i muziku na filmu. Takođe, postavljen je video o instrumentu nazvanom "waterphone" i njegovoj upotrebi u filmskoj industriji. Video je jedna od epizoda iz serijala "Cultural Brain Stratching" u produkciji "ARTE" TV-a.

Međunarodni dan vlontera

Riječ **volonter** (franc. *volontaire*) označava osobu koja besplatno obavlja neki rad, dakle volontirati znači besplatno raditi. U svijetu su volonterstvo i volontiranje definisani na različite načine i imaju različite dimenzije, ali se može slobodno reći kako je u svojoj najširoj definiciji volonterski rad neplaćeno, nekarijerističko, neprofitno, slobodno izabrano djelovanje koje se javlja u različitim oblicima. Međunarodni dan volontera su proglasile Ujedinjene Nacije 17. decembra 1985. godine a u svijetu se obilježava 05.decembra.

Omladinska organizacija Svitač je ovaj dan obilježila uz video sa međunarodnim i lokalnim volonterima. <https://youtu.be/FbApHYaFdb8>

Pružili smo im priliku i prostor da kažu zašto volontiraju i zašto će nesibično nastaviti pomagati u svojoj lokalnoj i široj zajednici.

Solidarnost, podrška i nesebično pomaganje su u ovoj godini igrali veliku ulogu i pokazali da ne postoje nacije, boja kože, religije i razlike u humanom cilju. Danas, pomoći nekome bez neke lične ili finansijske koristi je velika stvar! Želimo ohrabriti sve koji žele pomagati u bilo kojem segmentu, jer nagrade su velike - puno srce, životna iskustva i novi prijatelji!

Dan ljudskih prava

DEKLARACIJA O LJUDSKIM PRAVIMA je 10. decembra 1948. godine usvojena i proglašena u Parizu na Opštoj skupštini Ujedinjenih naroda rezolucijom br. 217 A (III). Sva ljudska bića rađaju se slobodna i jednaka u dostojanstvu i pravima. Ona su obdarena razumom i svijješću te trebaju jedna prema drugima postupati u duhu bratstva. Univerzalna deklaracija o ljudskim pravima (UDHR) je prekretnica u istoriji ljudskih prava!

Omladinska organizacija Svitac je ovaj dan obilježila videom, koji je urađen uz pomoć međunarodnih volontera iz Velike Britanije i Turske. U videu su naglašena prava na obrazovanje, slobodu medija i pravo na privatnost. <https://youtu.be/t9aKJw7fHeE>

Na radionici sa učesnicima uzrasta 4+ smo pogledali animirani video na ovu temu, prilagođen uzrastu, te smo ih pitali koje je njihovo najdraže pravo. Nakon razgovora su napravili šarenu poruku, koja glasi: Sretan dan ljudskih prava! Happy International Human Rights Day! Na online radionici za učesnike 13+ smo pogledali animirani video o istoriji ljudskih prava i razgovarali o tome, u kojoj mjeri se ljudska prava diljem svijeta zaista poštuju.



Za januar se planira nastavak svih aktivnosti Omladinske organizacije Svitac.





Udruženje građana "C.E.Z.A.R" Srbac

Zdravka Čelara 29, 78420 Srbac

Tel: 051 928 126

e-mail: zdravosrbac@yahoo.com

HUMANITARNA AKCIJA „JEDAN SLATKIŠ – JEDNO DIJETE“



NVO „Milenijum“ Srbac je 16. godinu zaredom organizovao humanitarnu akciju „Jedan slatkiš-jedno dijete“, koja ima za cilj prikupljanje slatkiša, te pakovanje i podjelu novogodišnjih paketića za djecu iz socijalno-ugroženih porodica. Kao i prethodnih, i ove godine UG „C.E.Z.A.R.“ je sa svojim volonterima bio partner u izvođenju akcije, te je obezbijedeno 228 paketića.

ALEJA VOLONTERA

Oko 20 članova Lokalnog Volonterskog servisa Srbac, koji djeluje u sklopu Udruženja građana C.E.Z.A.R.“ posadili su sadnice i formirali Aleju volontera u gradskom parku, u sklopu projekta „Mladi u akciji“ uz podršku Instituta Kult iz Sarajeva koje je odoborilo sredstva za ovaj projekat. Takođe, postavljene su klupe, kante za smeće i mreža za odbojku čime je završeno uređenje parka za ovu godinu.



MEĐUNARODNI DAN VOLONTERA



Simboličnim presijecanjem vrpce od strane načelnika opštine Srbac Mlađana Dragosavljevića i izvršnog direktora UG „C.E.Z.A.R.“ Tanje Šnjegote zvanično je pušten u upotrebu novi gradski park u Srpcu. Ovim činom je ujedno obilježen Međunarodni dan volontera što je bio povod da se skupe članovi LVS-a Srbac, koji su vrijedno radili na uređenju i adaptaciji gradskog parka.

Članovima LVS-a Srbac koji su bili aktivno uključeni u radne akcije i razna društvena dešavanja uručene su volonterske knjižice, priznanja te poklon paketi. Dodijeljene su i pohvale za nekoliko omladinaca ispod 15 godina, koji po važećem zakonu ne mogu zaključiti ugovor o volontiranju. Najaktivniji volonteri su dobili i diplome od strane Ministarstva porodice, omladine i sporta Republike Srpske.

Direktorica UG „C.E.Z.A.R.“, Tanja Šnjegota, prisustvovala je prijemu za najbolje volontere i volonterke ispred Volonterskog servisa Republike Srpske, gdje takođe obavlja funkciju izvršnog direktora.

SVA LICA AKTIVIZMA

Članovi UG „C.E.Z.A.R.“ su osvojili nagradu za čak 2 najbolja filma, od 36 prijavljenih u okviru projekta Sva lica aktivizma. U pitanju su filmovi o Bardači i vršnjačkom nasilju. Film o Bardači su snimili Nemanja Kralj i Nikola Živanić, koji željeli da skrenu pažnju na ekološki problem u ovom prirodnom rezervatu. Drugi film „Reaguj“ snimila je Jovana Glumac, takođe članica Udruženja, a govori o vršnjačkom nasilju i potrebi ukazivanja na ovaj problem u društvenoj zajednici. Ovi mladi ljudi su imali priliku da ispričaju svoje iskustvo na prilogu koji je emitovan u programu Federalne TV.



KONFERENCIJA POKRETA O ZDRAVIM ŽIVOTNIM STILOVIMA

UG „C.E.Z.A.R.“ je imao svoje predstavnike na Konferenciji pokreta o zdravim životnim stilovima održanoj na Jahorini, a koja je okupila sve relevantne predstavnike institucija i tijela za Mlade u BiH. Organizatori ovog događaja su bili Perpetuum Mobile, Asocijacija XY i Youth power, koji su i inicijatori stvaranja pokreta u BiH pod nazivom „Budućnost za mlade“, a ima za cilj uvođenje zdravih životnih stilova i vještina u formalno obrazovanje.



„NAPRAVI POKRET“



Mreža „M.O.C.A.R.T.“ Republike Srpske, održala je četvrti – posljednji modul projekta Napravi pokret“ Stvaranje povoljnijeg okruženja za civilno društvo - EMBRACE. Na modulu je predstavljena preliminarna analiza postojećeg regulatornog okvira sa akcentom na finansiranje OCD iz javnih izvora, a osim toga učesnici su stekli znanja i o vođenju zagovaračkih akcija/kampanja. Kao i na prethodnim modulima, i na ovom su se našli članovi UG „C.E.Z.A.R.“.

PREZENTACIJA PROJEKTA ZAŠTITE ŽIVOTNE SREDINE „EKO HUB“

UG „C.E.Z.A.R.“ je u saradnji sa Centrom za ekonomski i ruralni razvoj „CERD“ iz Laktaša održalo prezentaciju projekta zaštite životne sredine pod nazivom „Eko HUB“ koji će se naredne dvije godine provoditi na teritoriji jednog grada i tri opštine, među kojima je i Srbac. Ovo je bio inicijativni sastanak za pokretanje zajedničke platforme za zaštitu životne sredine, koja bi imala za cilj povezivanje organizacija i ostalih zainteresovanih aktera na polju zaštite životne sredine. Sljedeći korak „Eko šetnja“ u Srpcu, a planirana je za mart sljedeće godine.



NOVOGODIŠNJA ČAROLIJA



UG „C.E.Z.A.R.“ je u sklopu Novogodišnje čarolije organizovao radionice izrade novogodišnjih čestiki, gdje su djeca i mladi mogli da izraze svoju kreativnost, a čestitke su iskoristene da se pošalju svim sponzorima/donatorima/prijateljima koji su na neki način pomogli radu Udruženje tokom ove godine.

NOVOGODIŠNJA PRIREDBA

Svake godine kraj decembra je rezervisan za završni koncert, na kojem se svi polaznici UG „C.E.Z.A.R.“ predstave svojim roditeljima, bakama, dekama, drugarima i ostalim sugrađanima u prepunom Domu kulture u Srpcu. Nažalost, ove godine nije bilo moguće ugostiti svu publiku, te je odluka bila da se organizuje interna svečanost, samo za članove Udruženja i njihove roditelje. Oko 70 polaznika Male škole engleskog jezika, Malih kreativaca, hip hopa i ritmičke gimnastike uspješno su završili još jedan ciklus druženja, a ovo je bila prilika da se diplomama, poklon paketićima i medenjacima obraduju djeca, te nagrade za trud i rad.



Institut za
razvoj mladih KULT



Ul. 4. Viteške brigade
34 – 36 BA, 71210 Ilidža, Sarajevo
Tel: +387 33 778 778.
Fax: +387 33 778 79
E-mail: kult@mladi.org, web:
www.mladi.org

Institut KULT proslavio uspjehe mladih u 2020. Godini na online događaju

Institut za razvoj mladih KULT slavi ostvarene uspjehe mladih i profesionalaca koji rade s mladima, a koji su bili dio Institutovih programa u 2020. godini. Tim povodom Institut je organizirao događaj **(KO)VIDI mlade?** kako bi se dao odgovor ko sve treba vidjeti mlade, ali i donijele jasne smjernice za zajedničko djelovanje i rad s mladima u narednom periodu.

Ovaj godišnji događaj okupio je **omladinske liderice i lidere** koji su završili Institutovu obuku **UMiD**, generacije 15 i 16, potom **omladinske političke liderice i lidere polaznike treće generacije obuke UMiDp, službenike i službenice za mlade, mlade preduzetnike i druge prijatelje i partnere Instituta**, ali i mladih u Bosni i Hercegovini.



„Ova godina je važna lekcija za sve nas, naučila nas je da moramo biti fleksibilniji nego što smo mislili, ali i mnogo više inovativni i nadam se da ćemo to nastaviti raditi i u budućnosti. Ambasada Švedske u BiH nastavit će raditi sa svojim partnerima u Bosni i Hercegovini kako bismo bili sigurni da smo uradili sve što je u našoj moći u ovim teškim okolnostima.“, izjavila je Njena Ekselencija, **ambasadorica Švedske u BiH, Johanna Strömquist**.

Podršku ovom događaju pružili su **Ambasada Švedske u BiH, Evropska unija, Ambasada Kraljevine Nizozemske u BiH, UN Volonteri BiH**, a kroz sve inicijative, biznise i volonterske akcije mladih, veliku podršku su pružale i **lokalne zajednice** širom Bosne i Hercegovine. Važno je istaći da ovo **nije jedina** inicijativa usmjerena prema razvoju mladih, a koju podržavaju **Evropska unija**, ambasade i druge međunarodne organizacije u BiH, čime se poručuje da su mladi **itekako važan segment** društva i jedan od ključnih pokretača pozitivnih promjena u zemlji.

„Iza nas je veoma izazovna godina, ali koja je bila prepuna solidarnosti i međusobne podrške. Zbog toga ovaj događaj simbolično organiziramo na današnji datum, jer se jučer obilježio Međunarodni dan solidarnosti. Upravo zbog toga smo ove godine pokrenuli nekoliko inicijativa kojima smo pokazali solidarnost, ali i podršku mladima na terenu. Prije svega izdvojio bih inicijativu #darujzanastavu, u okviru koje smo darovali preko 600 uređaja učenicama i učenicima iz svih krajeva BiH kako bi bili u mogućnosti pratiti online nastavu. Institut je ove godine proslavio 18 godina postojanja i ovo je bila godina u kojoj smo najsnažnije podržali mlade do sada i naše opredjeljenje je da nastavimo jednako ili još snažnije i u

narednoj 2021. godini. Hvala svim našim partnerima na velikoj podršci!“ – izjavio je gosp. **Jasmin Bešić**, generalni direktor Instituta za razvoj mladih KULT.

Više od stotinu osoba koje su prisustvovala događaju svjedočile su koliko su mladi važan dio društva i koliko su zapravo uradili na unaprjeđenju svojih zajednica. Međutim, da bi mladi osjetili da su važni neophodno je da svi nivoi vlasti u BiH prepoznaju mlade kao partnere i da zajedno s njima rješavaju postojeće izazove, ali i promišljaju o budućnosti.

Video događaja dostupan je online na facebook stranici Instituta za razvoj mladih KULT.

Obuka za omladinske lidere UMIDp opravdala očekivanja

Institut za razvoj mladih KULT razvio je poseban program obuke za mlade političarke i političare iz Bosne i Hercegovine, kako bi ih **osnažili i ohrabрили** za bavljenje politikom i rješavanje problema u zajednicama, s posebnim fokusom na probleme s kojima se susreću njihovi vršnjaci.

Obuku su završile **već tri generacije** mladih političarki i političara, tačnije njih **64-ero iz 15 političkih stranaka** i iz skoro svih dijelova Bosne i Hercegovine. Polaznici ove obuke zabilježili su značajne rezultate na neto završenim lokalnim izborima.

Nakon potvrđenih rezultata i uručenih uvjerenja **12 polaznika obuke izabrano je za vijećnike**, odnosno odbornike, a jedan polaznik je izabran za načelnika opštine. Ovo je jasan pokazatelj važnosti neformalnog obrazovanja kod političara u BiH, posebno kada je riječ o mladima, koji tek zauzimaju svoje mjesto na političkoj sceni.



„Mišljenje da ne mogu doprinijeti promjeni, kako nisu bitni u političkom procesu i kako nemaju nikakav utjecaj velika su kočnica u angažmanu mladih. Potrebno im je pružiti mogućnost da se educiraju o političkim procesima, načinu djelovanja i funkcioniranja, kako bi spoznali važnost aktivnog sudjelovanja u društvu. Takve i slične predrasude “razbijaju” se na edukacijama kao što je UMID za političke lidere/ke. Neformalno obrazovanje smatram jako važnim segmentom za uspjeh svake osobe bez obzira na godine, a pozitivno utječe i na razvoj različitih vještina i kompetencija“, izjavio je Haris Topalović, **polaznik prve generacije UMIDp obuke** i novoizabrani vijećnik u OV Ilidža.

Harisova kolegica, **Maja Nikolić iz Kostajnice**, koja je također novoizabrana odbornica u Skupštini Opštine Kostajnica ističe da joj je obuka **UMIDp** pomogla u unaprjeđenju vlastitih vještina, ali i da bolje razumije političko i pravno uređenje Bosne i Hercegovine. Napominje da su joj ova znanja bila **vrlo korisna u predizbornoj kampanji** i na terenu, ali da će joj služiti i u narednom periodu njenog političkog

angažmana. Maja je polaznica treće generacije obuke UMiDp.

Pored Maje i Harisa, **mandate** u vijećničkim, odnosno odborničkim klupama osvojili su: Nemanja Davidović iz Bosanskog Petrovca, Ekrem Sarajlić iz Viteza, Tarik Halilović i Belmin Zukan iz Visokog, Alma Tulek iz Sanskog Mosta, Kenan Biserović iz Jablanice, Antonija Bažonić iz Širokog Brijega, Slavko Tešić, izabran za načelnika Opštine Pelagićevo, Elma Masnopita iz Ilijaša, Edis Kavgić iz Srebrenika i Miloš Novaković iz Rogatice.

Polaznici na obuci kroz tri petodnevna modula imaju priliku učiti o **političkom sistemu** BiH i djelovanja u njemu, o razvoju političkog imidža te o političkom zagovaranju i pregovaranju za rješavanje problema i potreba mladih. Cilj obuke je da mladi političari postanu nosioci pozitivnih promjena u BiH i primjer odgovornog bavljenja politikom. Podršku Institutu prilikom provođenja prve tri generacije obuke pružila je **Ambasada Švedske u BiH, a iz KULT-a poručuju da planiraju nastaviti sa obukom i u narednim godinama.**

Poboljšanje ljudskih prava u bh. Privrednom sektoru.

Obilježen međunarodni dan volonera: Možemo zajedno!

Volonterke i volonteri veoma su važni za svako društvo! Njihova važnost do posebnog izražaja dolazi u vanrednim okolnostima. Skoro cijela 2020. godina protekla je u vanrednim okolnostima i upravo su volonterke i volonteri dali nemjerljiv značaj u savladavanju izazova. Danas se obilježava **Međunarodni dan volontera**, a oni su poručili da zajedno možemo savladati sve izazove i doprinijeti unaprjeđenju naših zajednica i društva.


Skupština Ujedinjenih naroda 1985. godine proglasila je **5. 12.** Međunarodnim danom volontera. Ovaj dan je prilika za promoviranje volontiranja, ali i prilika za ohrabriti nadležne institucije da podrže volonterske napore i prepoznaju volonterski doprinos u postizanju ciljeva održivog razvoja na svim nivoima unutar države.

Institut za razvoj mladih KULT u partnerstvu sa **UN volonterima, uz finansijsku podršku Evropske unije**, obilježio je Međunarodni dan volontera kroz **panel diskusiju**, na kojoj se govorilo o prilikama koje nam nude zakoni o volontiranju, kakve su prakse u provedbi tih zakona i koje su prepreke za potpunu **provedbu svih zakonskih mehanizama i podrške** volontiranju i volonterima/kama u BiH.

Zaključci panel diskusije su da je neophodno raditi na **većoj implementaciji** svih zakona o volontiranju i da je **važno unaprijediti međusektorsku saradnju**. Potrebno je da **resorna entitetska ministarstva**, odnosno odjel u Brčko distriktu BiH budu otvoreniji za organizacije civilnog društva, ali sa druge strane i da organizacije pokažu veće interesovanje za ostvarivanje institucionalnog dijaloga. Također, učesnici panel diskusije su naglasili da se mora prestati sa zloupotrebom zakona, ali i samih volontera, jer volontiranje gaji pozitivne emocije i stvara doprinos razvoju društva i zajednice. Na kraju, svi su se složili da volonteri nisu isključivo mlade osobe i da su stariji volonteri ponekad nepravedno zapostavljeni. Posebno jer oni sa svojim iskustvom, znanjem i vještinama mogu dati ogroman doprinos u promociji volontiranja, ali i unaprjeđenju društva.

“Volontiranje je jedan od najvažnijih mehanizama pružanja socijalne, ekološke i ekonomske transformacije, koji osigurava trajni utjecaj na promjene načina razmišljanja, stavova i ponašanja ljudi. Promicanje individualnog i korporativnog volontiranja pridonijet će miru i razvoju društva, zagovarajući prepoznavanje značaja volontera i integrirajući volontiranje u razvojne programe”, izjavio je **Gianluca Vannini, šef Sekcije operacija za socijalni razvoj, civilno društvo i prekograničnu saradnju Delegacije EU u BiH.**

Institut za razvoj mladih KULT radio je na izradi i zagovaranju usvajanja Zakona o volontiranju FBiH, koji je rezultirao usvajanjem ovog zakona 2012. godine. Od tada, pa do danas Institut redovno radi i na provođenju i promociji zakona među institucijama vlasti, drugim organizacijama, ali i mladim volonterkama i volonterima. U posljednjih desetak godina **Institut je izdvojio više od 3 miliona KM za inicijative mladih**, a koje su bazirane na volonterskom radu. Sva dostignuća Instituta u posljednjih 18 godina bilo bi teško zamisliti bez doprinosa volontera, zbog čega su iz Instituta poručili volonterima da su veoma važni i da zaista zajedno možemo rješavati izazove sa kojima se suočavamo. U tom kontekstu, nije izostala podrška Evropske unije koja finansira projekat “Poboljšanje ljudskih prava u privrednom sektoru” u okviru kojeg se poseban fokus stavlja na korporativno volontiranje. Svim volonterkama i volonterima želimo sretan njihov dan uz nadu da će se naredni Međunarodni dan volontera moći obilježiti masovnom volonterskom akcijom.



INFORMACIJE / DONATORI / POZIVI

USAID – SNAGA LOKALNOG

U okviru USAID-ove inicijative i programa Snaga lokalnog Mreža za izgradnju mira će raditi na poboljšanju kapaciteta lokalnih zajednica i organizacija da samostalno rješavaju ključne i relevantne razvojne izazove u Bosni i Hercegovini (BiH).

U okviru programa Snaga lokalnog u periodu od pet godina radićemo na uključivanju i umrežavanju svih postojećih i novih inicijativa usmjerenih na razvoj lokalne zajednice. Zadatke smo podijelili u tri komponente.



Komponenta 1:

Mreža za izgradnju mira će dati ključni doprinos kroz uspostavljanje i upravljanje web platformom koja će omogućiti razmjenu informacija između različitih aktera, dati pregled odnosa i uticaja unutar civilnog društva, javnih i lokalnih institucija i poslovnog sektora te omogućiti uspostavljanje inicijativa vezanih za razvoj lokalnih zajednica u BiH. U narednim godinama prioritet u radu Snaga lokalnog je da kroz različite vidove institucionalnoj jačanja da podršku lokalnim organizacijama kako bi one same mogle kreirati održive „mehanizme samopomoći“ širom zemlje, posebno u područjima gdje takvi mehanizmi nisu lako dostupni.

Komponenta 2:

Mreža mira će raditi na uspostavljanju i jačanju saradnje između ostalih komponenti programa Snaga lokalnog: Platforma za razvoj kapaciteta, Lokalne razvojne organizacije (LRO), Filantropija i pravno okruženje, Jačanje svijesti javnosti o filantropiji, Platforma za umrežavanje (NAP). Kroz Snaga lokalnog ćemo omogućiti svim zainteresovanim pojedincima i grupama da daju vlastiti doprinos svojim zajednicama i pridruže se postojećim inicijativama za njihov rast i napredak.

Komponenta 3:

Mreža mira će ostati i dalje posvećena svojim članicama i njihovom umrežavanju te građenju njihovih kapaciteta u pogledu obezbjeđivanja njihovog održivog razvoja.

Želimo da se u aktivnosti prije svega uključe sve članice Mreže za izgradnju mira, druge NVO u BiH, formalne i neformalne grupe građana/ki, građani/ke, institucije i biznisi koje žele postati pokretači promjena u svojim zajednicama kroz rad na unaprijeđenju postojećih društvenih procesa i zaštitu prirodne okoline.

Otvoren javni poziv za apliciranje projektima u okviru programa E4ALL

EU4all je program Evropske unije kreiran da pruži pomoć lokalnim zajednicama/opštinama prilikom realizacije građevinskih intervencija (manjeg i srednjeg intenziteta) koje će unaprijediti uslove za rad djece u školama, zatim život mladih, starijih građana i manjina te najranjivijih grupa kroz unaprijeđenje pristupačnosti mjestima i objektima u kojim borave kroz rekonstrukciju, adaptaciju i nabavku opreme. U skladu sa prioritetima, na poziv se može aplicirati projektima u tri lota:

- LOT 1: Rekonstrukcija i adaptacija objekta i/ili javnih površina lokalnih zajednica i/ili nabavka potrebne opreme i/ili zaliha koje su potrebne za ugodnije okruženje za učenje/zajednicu za školovanje djece, mladih, starijih građana, ranjivih grupa i manjina.

- LOT 2: Organizacija tematskih događaja/obuka/radionica koji su povezani s različitim aspektima procesa EU integracije, a koji će se organizovati od strane lokalne zajednice za javne institucije kao i za organizacije civilnog društva.
- LOT 3: Aktivnosti promocije/podizanja svijesti koje su u vezi sa sa procesima EU integracija, a koje će se organizovati od strane lokalnih zajednica u Bosni i Hercegovini i biti medijski praćene.

Prihvatljivi aplikanti mogu biti javna neprofitna tijela i organizacije uspostavljeni u Bosni i Hercegovini.

Potencijalni aplikanti mogu aplicirati za finansijska sredstva u okviru poziva koja se kreću od **minimalnih 70 % do 100 % od planiranog budžeta projekta** i to na sledeće iznose:

- LOT 1: 1.700.000 eura
- LOT 2: 150.000 eura
- LOT 3: 150.000 eura
-

Rok za apliciranje je **16.februar 2021. godine do 12:00 časova**.

Detaljnije informacije o javnom pozivu i potrebna dokumentacija za apliciranje može se pogledati i preuzeti **OVDJE**.



Stażirajte u OECD



OECD Intern

Organizacija za ekonomsku saradnju i razvoj (OECD) organizuje Program za pripravnike osmišljen kako bi u Organizaciju doveo visokokvalifikovane i motivisane studente s različitim podlogama da rade na projektima povezanim sa strateškim usmjerenjima generalnog sekretara i podržavaju korporativne funkcije Organizacije. Njegov glavni cilj je pružiti uspješnim kandidatima priliku da poboljšaju svoje analitičke i tehničke vještine u međunarodnom okruženju, a većina praksi se održava u Parizu u Francuskoj.

OBLAST: više oblasti

OPIS

Program stažiranja otvoren je u kontinuitetu. Studenti upisani na redovnom akreditovanom studijskom programu (bečelor, master, doktorske studije) tokom čitavog trajanja prakse se mogu prijaviti putem interneta. Očekuje se da će odabrani pripravnici raditi na daljinu do daljnog. Trajanje prakse je za period od jednog mjeseca do šest mjeseci (može se produžiti za dodatnih šest do ukupno dvanaest mjeseci), na puno radno vrijeme (40 sati nedjeljno). OECD podstiče potencijalne pripravnike da ostanu šest mjeseci kako bi stekli najbolji mogući uvid u rad u OECD-u. OECD će pripravicima dodijeliti doprinos za životne troškove od oko 700 eura po radnom mjesecu.

USLOVI

Praksa je otvorena za studente koji:

- su upisani na redovni studijski program tokom trajanja prakse u oblasti ili disciplini koja se odnosi na rad OECD-a;
- su dostupni na minimalno trajanje prakse od mjesec dana;
- imaju izvrsno znanje jednog od dva službena jezika OECD-a (engleski i francuski) i radno znanje ili spremnost za učenje drugog; znanje drugih jezika koji se koriste u OECD-u bila bi prednost;

- posjeduju solidne kvantitativne i informatičke vještine;
- pokazuju izvrsne vještine izrade i komunikacije;
- su sposobni za rad u multikulturalnom i međunarodnom timskom okruženju.

NAČIN PRIJAVE Prijave se vrše na linku: https://oecd.taleo.net/careersection/ext_2/joblist.ftl...

ROK ZA PRIJAVU: 28. februar 2021. godine

Detaljnije: <https://www.oecd.org/careers/internship-programme/>

NomadMania

Želiš putovati? NomadMania dodjeljuje stipendije od 1500 EUR za bh. studente

NomadMania je raspisala konkurs za dodjelu putničkih stipendija studentima iz osam različitih zemalja za 2021. godinu, a Bosna i Hercegovina je jedna od njih. Svrha stipendija je omogućiti studentima težeg materijalnog stanja da prvi put odu na samostalno putovanje koje može. Cilj je podsticanje mobilnosti, samostalno putovanje i upoznavanje novih kultura.

NomadMania je jedan od najvećih online klubova putnika. NomadMania je inicijalno pokrenuta 2012. godine kako bi potaknula putovanja, pomogla putnicima u praćenju njihovih putovanja i pružila im



ideje i inspiraciju za ono što treba vidjeti kroz NomadManijinu seriju. Cilj NomadManije je stvoriti zajednicu strastvenih putnika, educirati o svijetu kao i pomoći ljudima s malo sredstava da putuju više. Kao registrirana neprofitna organizacija u Grčkoj, dobrotvorna organizacija NomadMania ima za cilj da pomogne ljudima iz manje privilegiranih sredina da iskuse veći dio svijeta.

2021. bit će prva godina da NomadMania dodjeljuje stipendije za putovanje studentima univerziteta iz zemalja s relativno nedavnim iskustvom trajanja sukoba, a za koje tim NomadMania smatra da se putovanja mogu odvijati s odgovarajućom sigurnošću.

NomadMania stipendije dostupne su studentima koji su već uspješno završili najmanje drugu godinu studija u svojoj zemlji. Stipendije su usmjerene na one koji imaju malo finansijskih sredstava.

Detalji o stipendijama se mogu pronaći na sljedećem [linku](#).

Online zarada od kuće: Upwork idealna opcija!

Upwork idealna opcija – **Ukoliko ste u potrazi za dodatnim poslom ili vas jednostavno zanima online zarada od kuće, onda je Upwork pravo rješenje za vas, a [biznis portal](#) poslovne.com odnosi vam sve potrebne upute.**

Upwork je idealna opcija gdje svoje usluge možete ponuditi poslodavcima iz cijelog sveta. Uz to, zarada na ovaj način je daleko veća od prosječne plate, a pritom ne postoji fiksno radno vrijeme.

Već broji 14 miliona korisnika iz 180 zemalja, a godišnje se ponudi 3 miliona poslova.

Zarada na Upworku

Prvo i najvažnije pitanje koje svaki freelancer postavlja prilikom postavljanja uslova posla je i kakva je zarada za taj posao.

Zarade se u prosjeku kreću od 10 do 30 dolara po satu, a nije mali broj onih koji dostižu cifre i od 60 dolara za sat posla. Pomnožite to sa prosječnim radnim vremenom od 8 sati dnevno i shvatićete zašto broj članova na ovoj platformi raste iz dana u dan.

Freelanceri sa naših područja najčešće rade poslove iz sledećih oblasti:

- dizajn
- kreiranje web sajtova i aplikacija
- korisnička podrška
- prevođenje
- pisanje
- prodaja i marketing
- informacione tehnologije

Ne znam ništa da radim, ali bih volio naučiti

Jedna od glavnih karakteristika freelancing svijeta jeste da se ne gleda diploma koju imate, već znanje kojim vladate. Freelanceri se odlikuju po tome što stalno stiču nove vještine i tako nude usluge iz različitih oblasti.

Donosimo vam nekoliko savjeta kako da ove godine uspešno započnete svoju freelancing karijeru na Upworku.



Kako napraviti dobar profil

Dobar profil je mnogo više od biografije. To je vaš portfolio, lista profesionalnih vještina i iskustava. Drugim riječima, vaš profil je brošura kojom prodajete svoje usluge klijentu.

Najbolje prolaze profili koji su potpuno popunjeni, dobro napisani, bez slovničkih, gramatičkih i drugih grešaka. Fotografija treba istovremeno da odražava profesionalnost i pristupačnost. Nemojte kropovati fotografije iz noćnog provoda ili sa plaže.

Kako do prvog freelance posla

Samo otvaranje naloga nije dovoljno da bi vam neko odmah ponudio posao, već morate da se prijavljujete na ponude (tzv. bidovanje). Međutim, mnogi početnici šalju na desetine aplikacija, a da ne dobiju posao. Zbog čega je to tako?

Upwork kažnjava korisnike koji šalju previše prijava. Na taj način ova platforma pokušava da zaštiti poslodavce od dobijanja nekvalitetnih ponuda.

Dakle, potrebno je da budete pametni.

Prijave koje sastavljate neka budu dobro napisane i promišljene, specijalno kreirane baš za posao na koji konkurišete. Uložite trud u prijavu jer to je ono što će vas razlikovati od ostalih.

Još jedan bitan faktor jeste cijena. Istina je da ćete u početku morati da se zadovoljite nižom cijenom kako biste dobili prve poslove i kasnije mogli da naplaćujete više. Međutim, imajte na umu da, bez obzira na to koliko vam je teško da nađete prvi posao, ne stavljate suviše nisku cijenu ili da čak nudite besplatan rad jer ćete kasnije teško uspjeti da naplatite svoje usluge onoliko koliko zaista vrijede.

Osim što treba dobro da vladate vještinama za koje se prijavljujete, potrebno je da imate i preduzetničkog duha i da se promovirate kako biste zadobili povjerenje klijenata.

Zašto je online zarada dobra za vas?

Freelancing je posao koji vam omogućava slobodu u radu, da radite za klijente iz cijelog sveta i ostvarite visoku zaradu. Jedino što je potrebno jesu dobra volja i upornost!



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

Urednik Biltena:

Mirela Biković

Prevod Biltena na engleski: **Adnan Karamujić**

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com